

## YR YSTWYLL 2

1 SAMUEL 3:1-10 [11-20]; SALM 139:1-6, 13-18; 1  
CORINTHIAID 6:12-20; IOAN 1:43-51

---

---

### ● Gweddi agoriadol

Rwyt yn siarad â ni mewn llawer ffordd:  
yn nhawelwch ein haddoli,  
yng nghanu ein emynau,  
yn narllen dy air,  
yn y gymdeithas a rannwn.  
Agor ein clustiau a'n calonnau  
er mwyn i ni glywed dy lais tyner  
ac, o'i glywed, ymateb.

### ● Moliant

Rwyt yn ein hadnabod  
ac eto yn ein galw,  
a ninnau'n amherffaith,  
i fod yn oleuni i ti yn y byd,  
i ddwyn llawnder a rhyddhad,  
i iacháu'r cleifion  
a chynnal y gwan.  
Rwyt yn ein hadnabod  
ac eto yn ein galw  
i fod yn llestri dy ras.

Mae'n anodd i ni amgyffred  
dy fod yn ymddiried y genhadaeth hon i ni,  
a'r dasg,  
yn ein nerth ein hunain  
yn amhosibl.  
Rwyt yn ein nabod,  
ein galw,  
ein defnyddio,  
ond, yn bwysicach,  
drwy dy Ysbryd  
yn ein nerthu.

● **Cyffes**

Weithiau, Arglwydd,  
anghofiwn i ti ein croesawu  
i'th deyrnas,  
ac rydym yn dewis cerdded mewn byd  
sy'n ein temtio'n ddyddiol.

Weithiau, Arglwydd,  
anghofiwn y rhyddid a roir i ni  
yn dy deyrnas,  
a dewis y llyffethair oedd yn brofiad i ni  
cyn iti ein galw.

Atgoffa ni, Arglwydd,  
o'r pris a delaist er mwyn i ni  
gael dod i mewn i'th deyrnas.  
Maddau, a derbyn ein diolch  
am y fath ras.

● **Diolch**

Arweinydd: Diolchwn i ti am dy alwad

**Pawb: Ac fe ddilynwn**

Arweinydd: I fod yn dystion i ti  
a dwyn goleuni Crist i'r byd.

Arweinydd: Diolchwn i ti am dy alwad

**Pawb: Ac fe ddilynwn**

Arweinydd: Ble bynnag yr arweini ni,  
achos fe'n cedwi yn ddiogel  
yn dy freichiau.

Arweinydd: Diolchwn i ti am dy alwad

**Pawb: Ac fe ddilynwn**

Arweinydd: I fod yn llais cryf  
ble mae anghyfiawnder  
a dioddefaint.

Arweinydd: Diolchwn i ti am dy alwad

**Pawb: Ac fe ddilynwn**

Arweinydd: I ddangos dy gariad a'th ras  
yn ein bywydau  
yn offrwm diolch i ti.